



BEINVEGNI

Suenter ina stagiun d'unviern intensiva astgein nus gleiti far ina pausa beinmeritada. Vus selegreis segir era da ruassar e star pacific empau duront la stagiun «morta». Aunc avon eis ei dar en la direcziun pigl avegnir. Forsa havessas Vus gust da s'engaschar activamein pil bien da nossa vischnaunca? Questa primavera, a caschun dallas elecziuns communalas, ein entgins uffecis vacants e nus selegrassen da habitontas e habitonts motivai e creativs. Lein ir cun tschaffen e plascher encunter allas sfidas ch'ei dat. Leutier giavischel jeu a nusez curascha pil niev, slontsch e vent frestg.

Franz Gschwend, president communal

Dieser Link führt Sie zu den Novas da Laax in Deutsch und Rätoromanisch.



VERANSTALTUNGSKALENDER SOMMER 2024

Wer ein Angebot im Kalender publizieren möchte, soll sich bis 15.04.2024 bei Irina melden: beer.irina@bluewin.ch

Calendar da stad 2024

Tgi che less publicar ina purschida el calendar da stad duei s'annunziar entochen ils 15-04-2024 tier Irina beer.irina@bluewin.ch.

IMPRESSUM:

Novas da Laax, Vischnaunca da Laax
Cumpara: mintga 2 meins, alla fin dil meins
Proxima ediziun: 31 da matg 2024
Ideas per tematicas: tochen ils 15 da matg 2024
Redacziun: Domenica Flütsch
Contact: admin@laax-gr.ch

RADUNONZA COMMUNALA DILS 13 D'AVREL 2024

Divers uffecis vacants

La proxima radunonza communal da sonda, ils 13 d'avrel 2024, ein las elecziuns dils organs communalas. Plirs posts vegnan libers pervia da demissiuns e limitaziun dil temps d'uffeci. Tochen la sera da radunonza eis ei pusseivel d'inoltrar candidaturas pils suandonts posts vacants:

Suprastonza communal – in commember
Ralf Seelig, limitaziun dil temps d'uffeci

Cumissium da quen e gestiun – dus commembers

Antonius Hug, demissium, e Max Welter, limitaziun dil temps d'uffeci

Cumissium da baghegiar – dus commembers
Simona Camathias, demissium, e Damian Cavelti, limitaziun dil temps d'uffeci

Cussegl da fundaziun Pro Laax – treis commembers

Erwin Ardüser, demissium, Martina Wolf-Cafilisch, demissium, e Christoph Schneller, limitaziun dil temps d'uffeci

Las autoritads selegnan da habitontas e habitonts activs ch'eiin prompts da gidar a concepir la vischnaunca. Suenter la radunonza communal envida la vischnaunca da seser e star da cumpignia cun apéro e tscheina.

SPITEX SELVA

In ferm team cun piazza d'emprendissadi

La SpiteX Selva ei ina part absolutamein necessaria dil sanitaesser dalla regiun Flem-Laax-Schluen ed in survetsch impurtont dalla tgira da casa. Sco commember dil consorzi dalla regiun da sanadad Surselva scolescha ella era emprendists, seigi quei sco specialistas da sanadad sco era specialistas da tgira diplomadas HF. Pigl onn d'emprendissadi 2025 ei ina piazza libra en ina clamada captivonta. Nus prendein la caschun da presentar a Vus ina truppa simpatica plein power.



Brigitte Illien, menadra scolaziun.

Brigitte Illien, menadra d'intervenziun e scolaziun e Petra Camathias, co-meinagestium.

Tgei ei il pensum central dalla SpiteX Selva?

Nos pensums principals ei la tgira da basa e da tractament sco era l'assistenza a persunas en lur tenercasa. Denton era gl'agid el tenercasa ed il survetsch da tschaveras ein impurtontas purschidas. Savens entschiva il contact culla spiteX cul tenercasa, pli e pli suondan per ordinari ils ulteriurs survetschs. Ella SpiteX Selva dat ei fetg differents profils da professiuns: naven dalla gidontra da casa, l'assistenta da tgira, specialistas da tgira tochen specialistas da sanadad e menadras d'intervenziuns, da scolaziun e meinagestium. Nossa lavur includa denton bia dapli che «mo» in survetsch. Nus essan era impurtontas persunas per e dils contacts socials, nus tschintschein e tedlein.

Con gronda ei la SpiteX Selva?

Ils davos onns essan nus carschi fetg. Pil mument essan nus 48 persunas plus duas gidontras supplementaras che sustegnan nus sch'ei vegn stretg culs uraris. Vitier s'engaschan era las tschun persunas dalla

Occurrenza d'informaziun FaGe per interessadas ed interessai ad in emprendissadi, mesjamna 22-5-2024, allas 13.30-15.30.

Program:

- Beinvegni e presentaziun dalla squadra da scolaziun Spitex Selva
- Explicar las pretensiuns specificas digl emprendissadi AGS / FaGe
- Workshop
- Runda da damondas
- Finiziun cun apero.

Nossa proxima emprendista/nies proxim emprendist encurin nus pigl onn 2025. Interessadas ed interessai san s'annunziar p. pl. tier la Spitex Selva, Brigitte Illien, 081 921 55 05, ni cun in mail a: spitexselva@kns.ch

Scolaziun specialista da sanadad (FaGe)

La specialista ni il specialist da sanadad tgira ed assista clientas e clients da tuttas vegliadetgnas a casa en lur ambient da mintgagi. Durent la scolaziun emperen la/il FaGe da far lavurs da tgira, dalla tecnica medizinala, dil tenercasa ed administrativas. Quellas sa ella/el applicar mintga gi en sia lavur professionala.

suprastonza dall'uniun-purtadra per e cun nus. Nus essan in ferm team che sustegn ed appreziescha in l'auter. Las hierarchias ein plattas e las responsablads repartidas bein. Naturalmein che la repartiziun dils cass dallas intervenziuns ei complexa, pertgei era la porschida dalla Spitex Selva ei fetg vasta. Denton gest quei fa che nosa lavur ei fetg interessanta e varionta.

Tgei habilitads drova ina emprendista/ in emprendist per quei mistregn?

Il pli impurtont eis ei ch'ina persuna ha tschaffen da luvrar, ch'ella ha il senn per la pratica e ch'ella lavura bugen cun carstgauns. La scolaziun cuoza tut tenor prescolaziun 2 ni 3 onns per FaGe, la specialista da sanadad. Nus purschein a carstgauns giuvens in camp d'activitad fetg multifar e cun temps da lavur interessants. Enviers la lavur en in spital dat ei per exempel negin survettsch da notg, quei che vegn apprezzau fetg.

Tgei ch'ei il pli bi da nosa clamada?

Nus havein quitau e purtein responsabladad, essan en contact cun carstgauns e savein effectuar concretamein zatgei. Igl ei ina lavur engrazievla, fascinonta e che fa senn. Leutier essan nus in bien team motivau che sustegn in l'auter. Nossa squadra mische-



Ina ferma squadra, la Spitex Selva.

dada dalla vegliadetgna ha pensums multifars. Forsa essan nus era perquei ella situaziun favureivla ch'igl ei gartegiau entochen ussa adina d'occupar mintga piazza libra.

CALENDER D'OCCURRENZAS

Sonda, 6 d'avrel 2024

«Schnulz im Sulz»

Flowerpower ella neiv loma da primavera, cun HossaNova, SCHÜRZE e biars hits da schlaghers.

11.00 – 17.00, Stalla Alp Nagens

Dumengia, 7 d'avrel 2024

Artist Talk: Thomas Wels e Fabian «BANE» Florin

Introducciun el mund dil Street Art, en connex cull'exposiziun actuala ella Cularta «The Rainbow Collection – Liebe auf den ersten Blick».

15.30 – 17.00 viseta foyer casa Wels, via Principala

17.00 discuors denter collecziunader ed artist, Cularta. www.cularta.ch

Sonda, 13 d'avrel 2024

Bursa da primavera d'artechels d'affons

L'Uniun da dunnas da Laax envida da mirar, sfutar, cumprar e vender.

Annunzias ed ulteriuras informaziuns:

www.dunnas-laax.ch/bursa/
09:00 – 13:00, halla da gimnastica Laax

Sonda, 13 d'avrel 2024

Radunonza communal, silsunter tscheina comunabla

16.00, aula Grava

Vendergis, 24 da matg 2024

Concert «Fullmoon Sessions»

14.00 – 22.00, Lag Grond.

Sonda, 25 da matg 2024

Fuorn FURNATSCH

Il pistrin FURNATSCH renovaus da frestg envida al gi dalla porta aviarta.

Naven dallas 10.00.

Suentermiezgi dils seniors, mintgamai la gievgia

4'avrel/18 d'avrel/2 da matg/16 da matg

«FULLMOON SESSIONS» – CONCERT AL LAG GROND

Ils 24 da matg 2024 dat ei per la secunda gada in concert cul tetel «Fullmoon Sessions». Quell'occurrenza unica rimna artistas ed artists dils pli differents stils ed envida els da glina plena sut il tschiel nocturn dil Lag Grond a Laax ad in viv brat da subculturas. La retscha da concerts representa dapli ch'ina scena da musica; igl ei ina fiasta dalla creativitat en tut sias facetas.

L'emprema ediziun gl'october 2023 ha aviert la tribuna per in moviment che va suls cunfins e che colligia divers stils da musica e digl art. «Fullmoon Sessions» ei ina iniziativa d'ina cuminonza che creecha atmosfera, ella quala las artistas ed ils artists san explorar ensem cun entusiassem ina fusiun da culturas. Finamira eis ei da definir e d'exprimer da niev la creativitat.

Iniziau da Sean Byron, president dall'uniun Luvratori / fundatur Hilltribe Switzerland



Viver la fascinaziun digl art multifar.